

中大校巴



中大校巴不僅是方便大家於校園穿梭的交通工具，同時更盛載著無數趣事與回憶。今期我們特別收集了許多校友的分享，讓大家一起重溫那些年乘搭中大校巴難忘的點滴！

經常嚟大學行政樓，搭錯 8 號上返本部而唔係落山。當年 1 號仲係熱狗巴，現已成為集體回憶，想當年搭落又冇乜印象覺得好熱。

星期六返中大上碩士課，剛上了校巴，遠遠見到一位舊同學加快腳步想趕上來。雖然佢最後都趕唔切，要等下一班，但我心裡竟然有種微妙的慶幸感覺。

新亞搭 N 巴落山中間站無人上，好似過山車咁超快落咗山 😂（當然司機係無超速的）。



2017 年中大校友日，當年有參加迫巴士大挑戰。

大學生活那些年，最難忘就是有時候會站著乘搭校巴上山落山，鍛鍊平衡。

關於中大校巴的回憶，是在夜深人靜時離開百萬大道圖書館，偶然搭上一輛裝飾著繽紛彩燈的校巴，伴隨著車廂內播放的流行音樂，頓時充滿熱鬧的氣氛，也為在圖書館埋首苦讀一整天的疲憊，畫上一個愉快的句點。

仲記得 Year 1 果時成日都要係 YIA 同 MMW 之間來回上堂，有一次搭校巴上到 UGYM 果時，有位啱啱上完 PE 堂而又身形龐大嘅同學坐咗喺我隔離，當刻已經完全感受到果位同學所散發出嘅嘅男人荷爾蒙。當架校巴嚟彩虹樓下面高速轉 90 度彎上山嗰下，我真真正體驗到咩叫離心力，再加埋俾嗰位同學壓一壓，立即變咗做紙片。



▲ 2016 年中大校友日紀念品

有一次我在校巴上遺漏了手機，當時已接近晚上七點，正好是 N 車替代 1A 車行駛的時段，無法在原地等待校巴折返。情急之下，我趕緊跑到何宿附近的停車場，幸運地趕上即將離站的校巴，最終成功找回手機！在校巴上遺失物品真是驚險萬分。

Year 1 果陣未有分咩 1A 2 3 4 號線，去到畢業果陣就有了。Year 1 坐上本部之前，組爸媽仲介紹嚟「左手邊」有一片竹林，而家果片竹林變成咗 YIA 啦！

夜晚坐 N 車原本要嚟新亞坊落，點知過咗站，要兜一個大圈遊覽中大先可以返到 NA。